

განცხადება წლიურ საგრანტო პროგრამაზე (APS) No. 001
გრანტები სოფლის მეურნეობის პროდუქციის წარმოების ღირებულებათა ჯაჭვში
ინოვაციების წასახალისებლად

გამოცემის თარიღი: 2020 წლის 26 თებერვალი
დახურვის თარიღი: 2020 წლის 31 დეკემბერი

ყველა დოკუმენტი წარმოდგენილი უნდა იყოს ინგლისურ ენაზე

ძვირფასო განმცხადებელო!

აშშ-ის საერთაშორისო განვითარების სააგენტოს (USAID) სოფლის მეურნეობის პროგრამა წლიური საგრანტო პროგრამის ფარგლებში იწყებს განცხადების მიღებას. განაცხადის შევსების ინსტრუქცია შეგიძლიათ იხილოთ დანართ „A-ში“. გრანტები¹ გაიცემა აშშ-ის საერთაშორისო განვითარების სააგენტოს (USAID) და აშშ-ის მთავრობის დებულებებისა და USAID-ის სოფლის მეურნეობის პროგრამის გრანტების მართვის შიდა პოლიტიკის შესაბამისად.

წლიური საგრანტო პროგრამის მიზანია, მოიძიოს და დააფინანსოს ინოვაციური იდეები, რომლებსაც შეუძლიათ მნიშვნელოვანი ზეგავლენა იქონიონ USAID-ის სოფლის მეურნეობის პროგრამის მიერ შერჩეულ ერთ ან რამდენიმე სასოფლო-სამეურნეო პროდუქციის წარმოების ღირებულებათა ჯაჭვზე (კენკრა, მწვანილი, კურკოვანი ხილი, თესლოვანი ხილი, მალფუჭებადი ბოსტნეული, მანდარინი, სუფრის ყურძენი და კაკლოვანი კულტურები (გარდა თხილისა)). გრანტები განკუთვნილია USAID-ის მიერ სასოფლო-სამეურნეო წარმოების მნიშვნელოვანი და სწრაფი ცვლილებების სტიმულირებისათვის. წარმოდგენილი წლიური საგრანტო პროგრამა მიზნად ისახავს მნიშვნელოვანი იდეების გამოვლენას, რათა კომპლექსური ღონისძიებების მეშვეობით დადებითი გავლენა იქონიოს დარგის ერთ ან მეტ სეგმენტზე. ინოვაციური იდეების წახალისების მიზნით, USAID-ის სოფლის მეურნეობის პროგრამა არ ზღუდავს განმცხადებლებს და არ ადგენს რაიმე სახის კრიტერიუმებს კონკრეტული საქმიანობის, ტექნოლოგიების ან მიდგომების მიმართ. მაგალითად, განაცხადები შეიძლება წარმოდგენილი იყოს სოფლის მეურნეობის ლოჯისტიკის რესტრუქტურისაციის, ახალი ან გაუმჯობესებული ტექნოლოგიების დანერგვის, ეფექტური წარმოების პროცესებისა და პროცედურების დამკვიდრების ან ახალი და მოთხოვნილი პროდუქტის წარმოების თაობაზე.

USAID-ის სოფლის მეურნეობის პროგრამა განმცხადებლისგან ითხოვს კონცეფციის დოკუმენტის წარდგენას დანართი „A-ს“ შესაბამისად. კონცეფციის დოკუმენტების მიხედვით შერჩეული წარმატებული განმცხადებლები, USAID-ის სოფლის მეურნეობის პროგრამასთან თანამშრომლობით შეიმუშავენ სრულ საინვესტიციო წინადადებებს, რომელთა საფუძველზეც გაიცემა საგრანტო დაფინანსება.

¹როდესაც პროგრამა, საგრანტო ხელშეკრულების პირობების თანახმად, შეისყიდის მომსახურებას/საქონელს და გადასცემს უშუალოდ გრანტის მიმღებს.

USAID-ის სოფლის მეურნეობის პროგრამის მიერ გაცემული საგრანტო დაფინანსება არ აღემატება 75 ათას აშშ დოლარს. თუმცა, გამონაკლის შემთხვევებში, USAID-ის თანხმობით, დასაშვებია 75 ათასი აშშ დოლარზე მეტი გრანტის დაფინანსების მოთხოვნა, თუ კონცეფციის დოკუმენტში ნათლადაა დასაბუთებული გაზრდილი დაფინანსების მკაფიო და აშკარა საჭიროება.

ყველა განმცხადებელი ვალდებულია დაასაბუთოს, რომ შეძლებს საგრანტო თანამონაწილეობის სახსრების უზრუნველყოფას ნაღდი ფულით და/ან კრედიტის სახით. გრანტის მიმღების თანამონაწილეობის ოდენობა განისაზღვრება პროექტის საერთო საინვესტიციო ღირებულების მინიმუმ 60%-ით. წლიური საგრანტო პროგრამის კონკურსში კონცეფციის დოკუმენტები მიიღება მხოლოდ მიკრო, მცირე და საშუალო ზომის კერძო კომერციული საწარმოებისგან.

დაფინანსებული საგრანტო პროექტების განხორციელების ხანგრძლივობა სამი წელია. ამავედროულად, USAID-ის სოფლის მეურნეობის პროგრამა უზრუნველყოფს მიზნობრივ ტექნიკურ დახმარებას გრანტის მიმღები საწარმოებისთვის.

განაცხადების წარდგენა შესაძლებელია ნებისმიერ დროს, კონკურსის ვადის ამოწურვამდე (2020 წლის 31 დეკემბერი). საგრანტო დაფინანსების მოპოვება დამოკიდებულია ხელმისაწვდომი თანხების არსებობაზე, რომელიც შესაძლოა შეიზღუდოს კონკურსის ბოლო ეტაპზე. ამიტომ USAID-ის სოფლის მეურნეობის პროგრამა მოუწოდებს განმცხადებლებს, დროულად წარმოადგინონ განაცხადები.

განაცხადთან დაკავშირებული ნებისმიერი შეკითხვის შემთხვევაში, გთხოვთ, მოგვმართოთ ელ.ფოსტით: grants@apgeorgia.org. წარმოდგენილი წლიური საგრანტო პროგრამის განაცხადი შედგება შემდეგი დოკუმენტებისგან:

- დანართი A – გრანტის კონცეფციის ფორმა;
- დანართი 1 – გრანტის კონცეფციის ინსტრუქციები;
- დანართი 2 – გრანტის კონცეფციის საკონტროლო სია;
- დანართი 3 – განმცხადებლის დასტურის წერილი;
- დანართი 4 – წინა/მიმდინარე პერიოდის ფინანსური უწყისები (ლარში);
- დანართი 5 – ფინანსური პროგნოზების ფორმა (ლარში);

პარაგრაფი I. პროგრამის აღწერილობა

IA. USAID-ის სოფლის მეურნეობის პროგრამის შესახებ

აშშ-ის საერთაშორისო განვითარების სააგენტოს (USAID) სოფლის მეურნეობის ხუთწლიანი პროგრამის მიზანია მდგრადი საბაზრო სისტემების დანერგვის გზით, წაახალისოს სოფლის მეურნეობის იმ დარგების განვითარება, რომლებსაც გააჩნიათ სამუშაო ადგილების შექმნისა და მიკრო, მცირე და საშუალო ზომის საწარმოების (MSME) შემოსავლების ზრდის მკაფიო პოტენციალი. პროგრამა გეგმავს საინვესტიციო და მიზნობრივი ტექნიკური დახმარების გაწევას მემცენარეობის სექტორში მოქმედი ბაზარზე ორიენტირებული საწარმოებისთვის და საწარმოო კლასტერებისთვის, ასევე, ასოციაციებისა და მომსახურების, ინფორმაციისა და კონსულტაციების მიმწოდებლების მხარდაჭერას, რათა გააძლიეროს აგრობიზნესების შესაძლებლობები და ხელი შეუწყოს საქართველოში სოფლის მეურნეობის სექტორის ინკლუზიურ და მდგრად განვითარებას.

USAID-ის სოფლის მეურნეობის პროგრამა ხორციელდება ორი ინტეგრირებული და ურთიერთდამოკიდებული კომპონენტის მეშვეობით, რომლებიც მოიცავენ საინვესტიციო გრანტებსა და ტექნიკურ დახმარებას. აღნიშნული კომპონენტების საქმიანობას განაპირობებს მებაღეობა-მეხობსტნეობის ღირებულებათა ჯაჭვებში პრიორიტეტების განსაზღვრა და ამ ჯაჭვებში არსებული პრობლემების გაანალიზება-შეფასება, რათა მოხდეს პროდუქციისა და ბაზრის დაკავშირების ისეთი სპეციფიკური შესაძლებლობების გამოვლენა, რომლებიც ხელს შეუწყობენ შემოსავლების მნიშვნელოვნად ზრდას, ახალი სამუშაო ადგილების შექმნასა და მცირე და საშუალო საწარმოების, სასოფლო-სამეურნეო კოოპერატივების, ასოციაციებისა და მომსახურების, ინფორმაციისა და კონსულტაციების მიმწოდებელთა მდგრად განვითარებას.

IB. საგრანტო პროგრამის აღწერილობა

წლიური საგრანტო პროგრამის მიზანია, მოიძიოს და დააფინანსოს ინოვაციური იდეები, რომლებსაც შეუძლიათ მნიშვნელოვანი ზეგავლენა მოახდინონ USAID-ის სოფლის მეურნეობის პროგრამის მიერ შერჩეულ ერთ ან რამდენიმე ღირებულებათა ჯაჭვზე (კენკრა, მწვანელი, კურკოვანი ხილი, თესლოვანი ხილი (ვაშლი), მალფუჭებადი ბოსტნეული, მანდარინი, სუფრის ყურძენი და კაკლოვანი კულტურები (გარდა თხილისა)).

USAID-ის სოფლის მეურნეობის პროგრამის გრანტები ინოვაციებისთვის წარმოადგენს ახალ შესაძლებლობას სოფლის მეურნეობის სექტორის წინსვლისა და ეკონომიკური განვითარებისთვის. აღნიშნული გრანტები მიმართულია ახალი სამეწარმეო ინიციატივების შემუშავებაზე, რის შესაძლებლობასაც არ იძლევა USAID-ის სოფლის მეურნეობის პროგრამის სტანდარტული საგრანტო კონკურსი. წლიური საგრანტო პროგრამის შერჩევის კრიტერიუმები შემუშავებულია, რათა ხელი შეუწყოს ამბიციური, მაგრამ რეალისტური წინადადებების დაფინანსებას. აღნიშნული გრანტები მიზნად ისახავს ტრანსფორმაციული და

პერსპექტიული იდეების სტიმულირებასა და განხორციელებას USAID-ის სოფლის მეურნეობის პროგრამის სამიზნე ღირებულებათა ჯაჭვებში.

ინოვაციური საგრანტო დაფინანსების მოპოვება შეუძლიათ კერძო აგროსაწარმოებს, რომლებიც საქმიანობას ახორციელებენ საქართველოში. ქვემოთ მოცემული ცხრილი ასახავს თანადაფინანსებასთან დაკავშირებულ მოთხოვნებს. წლიური საგრანტო პროგრამის თანახმად, USAID-ის სოფლის მეურნეობის პროგრამა დააფინანსებს გრანტებს ინოვაციებისთვის შემდეგი პირობით:

მიმღები	მიზანი	გრანტის მაქსიმალური თანხა (აშშ დოლარი)	მოთხოვნილი თანამონაწილეობა %-ში
კერძო აგროსაწარმო	პროგრამის სამიზნე ერთ ან რამდენიმე ღირებულებათა ჯაჭვში ინოვაციური და ტრანსფორმაციული ცვლილების ხელშეწყობა	\$75,000	60%

IC. უფლებამოსილება და მარეგულირებელი წესები

USAID-ის სოფლის მეურნეობის პროგრამით გრანტების გაცემა რეგულირდება აშშ-ის მთავრობის ფედერალური ნორმატიული აქტების კოდექსის (CFR) და USAID-ის წინასწარი განკარგულების სისტემის (ADS) დებულებებით.

აშშ-ის მთავრობის ფედერალური ნორმატიული აქტები (CFR): აშშ-ის მთავრობის უწყებების მიერ გამოქვეყნებული რეგულაციების კრებული:

- **2 CFR 200** – ერთიანი ადმინისტრაციული მოთხოვნები, ხარჯების პრინციპები და აუდიტის მოთხოვნები არამერიკული სუბიექტებისთვის ფედერალური დახმარების მინიჭებისას. აღსანიშნავია, რომ აშშ-ის არარეზიდენტი სუბიექტების გრანტებზე ვრცელდება მხოლოდ 2 CFR 200-ის E ქვენაწილი, ხარჯების პრინციპები
- **2 CFR 700** – USAID-ის მიერ ოფიციალურად მიღებული 2 CFR 200

წინასწარი დირექტივების სისტემა (ADS) 303: USAID-ის შიდა პოლიტიკა, რომელიც არეგულირებს არასახელმწიფო ორგანიზაციებზე გაცემული გრანტებისა და თანამშრომლობის ხელშეკრულებების ადმინისტრირებას. ADS-ში აღწერილია USAID-ის გრანტის მიცემის ადმინისტრირების შიდა სახელმძღვანელო დებულებები, დირექტივები, საჭირო პროცედურები და გრანტის გაცემის სტანდარტები.

ADS 303mab: ADS 303-ის სავალდებულო დამატება, რომელშიც განსაზღვრულია სტანდარტული დებულებები აშშ-ის არარეზიდენტი არასამთავრობო ორგანიზაციებისთვის.

სტანდარტული და გამოსაყენებლად მოთხოვნილი დებულებები შეტანილი იქნება გრანტის ყველა შესაბამის ხელშეკრულებაში.

ADS 303mat: ADS 303-ის სავალდებულო დამატება, რომელშიც განსაზღვრულია სტანდარტული დებულებები არასახელმწიფო ორგანიზაციებისთვის ფიქსირებულთანხიანი გრანტის მინიჭებისას. სტანდარტული დებულებები და გამოსაყენებლად მოთხოვნილი დებულებები შეტანილი იქნება გრანტის ყველა შესაბამის ხელშეკრულებაში.

USAID-ის სოფლის მეურნეობის პროგრამა ვალდებულია, უზრუნველყოს ზემოაღნიშნულ დებულებებთან შესაბამისობა, განაახლოს პროცედურები და საგრანტო ხელშეკრულება რეგულაციებში ცვლილებების შეტანის შემთხვევაში და დაეხმაროს გრანტის მიმღებ ორგანიზაციებს მოთხოვნებთან შესაბამისობის უზრუნველყოფაში.

II ნაწილი. საკვალიფიკაციო კრიტერიუმები

IIA. გრანტის მიმღები უფლებამოსილი ორგანიზაციები

წინამდებარე წლიური საგრანტო პროგრამის შესაბამისად, განმცხადებელი უნდა იყოს საქართველოს კანონმდებლობით გათვალისწინებული ორგანიზაციულ-სამართლებრივი ფორმით (შპს, სააქციო საზოგადოება, **სასოფლო-სამეურნეო** კოოპერატივი, ინდივიდუალური საწარმო და ა.შ.) დარეგისტრირებული, კერძო, მოგებაზე ორიენტირებული, მიკრო, მცირე ან საშუალო მეწარმე სუბიექტი².

II.B. კვალიფიკაციის დამატებითი პირობები

გრანტის მისაღებად განმცხადებლები უნდა აკმაყოფილებდნენ შემდეგ კრიტერიუმებს:

- განმცხადებელს უნდა ჰქონდეს შესაძლებლობა აწარმოოს ბიზნესის, ფინანსური და ტექნიკური აღრიცხვის დოკუმენტაცია ნაბეჭდი ან ელექტრონული ფორმით;
- განმცხადებელს უნდა ჰქონდეს შესაძლებლობა, რომ თავისი წარმოების არეალში და შესაბამის ღირებულებათა ჯაჭვში დადებითი ზეგავლენა მოახდინოს ბენეფიციარების მნიშვნელოვან რაოდენობაზე³, რასაც შედეგად მოჰყვება სოფლად დამატებითი სამუშაო ადგილების შექმნა და შემოსავლების ზრდა;

² საწარმოს ზომა განისაზღვრება სრულ განაკვეთზე მომუშავე თანამშრომლების რაოდენობით: თანამშრომელთა რაოდენობა მიკრო საწარმოში 1-10 ადამიანს შეადგენს, მცირე საწარმოში - 11-50-ს და საშუალო საწარმოში - 51-100-ს. ამასთან, საწარმოს წლიური ბრუნვა არ უნდა აღემატებოდეს 60 მილიონ ლარს.

4. „ბენეფიციარად“ იგულისხმება ის მცირემიწიანი ფერმერი, რომლისგანაც განმცხადებელი მეწარმე სუბიექტი ყიდულობს ან ყიდის პროდუქციას/მომსახურებას



- განმცხადებელი ვალდებულია, დაიცვას ბიზნესის ეთიკის უმაღლესი სტანდარტები. მათ შორის, საქმიანი ოპერაციებისა და აღრიცხვიანობის გამჭვირვალობა;
- განმცხადებლის საბუღალტრო აღრიცხვა უნდა შეესაბამებოდეს საქართველოს კანონმდებლობით დადგენილ სტანდარტებს. გრანტის ყველა მიმღები უნდა დაეთანხმოს დამოუკიდებელი ფინანსური აუდიტის ჩატარების მოთხოვნას;
- განმცხადებელი ვალდებულია დაასაბუთოს, რომ შეძლებს საგრანტო თანამონაწილეობის სახსრების უზრუნველყოფას ნაღდი ფულით და/ან კრედიტის სახით. USAID-ის სოფლის მეურნეობის პროგრამის პირობების თანახმად, გრანტის მიმღებ პირებზე (შპს, სააქციო საზოგადოება, ინდივიდუალური მეწარმე, გადასახადის გადამხდელად რეგისტრირებული ფიზიკური პირი) გაცემული გრანტის ოდენობა არ უნდა აღემატებოდეს პროექტის მთლიანი ღირებულების 40%-ს, რომელიც გამოყენებული იქნება ახალი ბიზნესის შექმნისა თუ არსებულის გაფართოვება/განვითარებისთვის, ხოლო დარჩენილი 60%-ის უზრუნველყოფა უნდა მოხდეს გრანტის მიმღები ორგანიზაციის მიერ.
 - თანამონაწილეობად ჩაითვლება მხოლოდ საკუთარი ფულადი ან საკრედიტო სახსრებით განხორციელებული ინვესტიცია.
- განმცხადებლის მიერ განხორციელებული საქმიანობა უნდა შეესაბამებოდეს საქართველოს კანონმდებლობით გათვალისწინებულ სურსათის უვნებლობის მოთხოვნებს;
- განმცხადებელი უნდა იყოს თანახმა, სეზონური სამუშაოების შესაბამისად, განხორციელოს სტაჟირების პროგრამა, რაც საშუალებას მისცემს უმაღლესი სასწავლებლის სტუდენტებსა და კურსდამთავრებულებს, მონაწილეობა მიიღონ ანაზღაურებად სტაჟირების (1 სტუდენტი 20 საათი კვირაში) პროგრამაში;
- გრანტის მიმღებმა საწარმოებმა უნდა დაიცვან გარემოსდაცვითი სტანდარტები და წარმოადგინონ ინფორმაცია გარემოზე ზემოქმედების პოტენციური რისკებისა და მათი შემცირების ზომების შესახებ. უარყოფითი გარემოსდაცვითი შეფასება შეიძლება გახდეს განმცხადებლის დისკვალიფიკაციის საფუძველი;
- ადგილზე ვიზიტისა და გრანტის გაცემის წინასწარი შეფასების წარმატებულად გავლა;
- ლობირებასთან, ტერორიზმის დაფინანსებასთან, ნარკოტიკების ტრაფიკის დახმარების აკრძალვასთან დაკავშირებულ ხელწერილსა და გრანტის მიმღების მოწმობაზე თანხმობა და ხელმოწერა;
- თანხმობა აშშ-ის არარეზიდენტი არასამთავრობო ორგანიზაციებისთვის სავალდებულო სტანდარტულ დებულებებზე და სავალდებულო მოთხოვნილ დებულებებზე (გრანტის ტიპის მიხედვით);
- მოწმობა, რომ ორგანიზაციას/ინდივიდს არ აქვს ჩამორთმეული ან შეჩერებული აშშ-ის მთავრობის თანხების მიღების უფლება ან არ არის მოთხოვნა, მისთვის ამ უფლების ჩამორთმევის შესახებ.

III.C. არაუფლებამოსილი ორგანიზაციები, არაშესაბამისი საქმიანობა და არასათანადო ხარჯები



- პირი, რომელიც არ არის დარეგისტრირებული;
- ნებისმიერი საერთაშორისო საჯარო ორგანიზაცია (PIO);
- ორგანიზაცია, რომელმაც წარსულში არამიზნობრივად გამოიყენა USAID-ის სახსრები;
- ნებისმიერი საჯარო დაწესებულება, რომელიც სრულად ან ნაწილობრივ ფინანსდება სახელმწიფოს მიერ;
- არასამთავრობო ან არაკომერციული ორგანიზაციები;
- პოლიტიკური პარტიები, მოქალაქეთა გაერთიანებები, მათი შვილობილი ორგანიზაციები და ფილიალები;
- ორგანიზაცია, რომელიც იცავს, ხელს უწყობს ან მხარს უჭერს ანტიდემოკრატიულ პოლიტიკას ან არაკანონიერ საქმიანობას;
- რელიგიური ორგანიზაციები, რომლებსაც აქვთ დისკრიმინაციული და რელიგიური მიზნები და სურთ გრანტის გამოყენება ამ დანიშნულებით;
- ნებისმიერი ორგანიზაცია, რომელიც თვითონ ან მისი რომელიმე წევრი შეყვანილია გრანტების მართვის სისტემის (www.sam.gov), გაერთიანებული ერების ორგანიზაციის სანქციათა ნუსხასა და აშშ-ის სახელმწიფო დეპარტამენტის ხაზინის უცხოური აქტივების კონტროლის განყოფილების (OFAC) აკრძალულ პირთა სიაში;
- ორგანიზაცია, რომლის მმართველობაში მყოფი რომელიმე თანამშრომლის ოჯახის წევრი (მეუღლე, შვილი, მშობელი, და ან მმა) არის CNFA-ის ან USAID-ის თანამშრომელი.

დაუშვებელია გრანტის სახსრების გამოყენება შემდეგი მიზნებისთვის:

- კერძო და საზეიმო ღონისძიებების, წვეულებებისა და წარმომადგენლობითი ხარჯების დაფინანსება;
- გრანტის თანხებით აკრძალულია ისეთი საქონლის შეძენა, როგორიცაა სასოფლო-სამეურნეო მასალები, საავტომობილო საშუალებები, მედიკამენტები, ხე-ტყის მოპოვება-დამუშავების აღჭურვილობა, პესტიციდები, სასუქი, მეორადი დანადგარები და სხვა აღჭურვილობა. ზემოთ ჩამოთვლილი საქონლის შესყიდვა საჭიროებს USAID-ის სპეციალურ ნებართვას. აღნიშნულიდან გამომდინარე, USAID-ის სოფლის მეურნეობის პროგრამა მოუწოდებს განმცხადებლებს, თავი შეიკავონ აკრძალული საქონლის დაფინანსების მოთხოვნისგან, თუ ეს უკანასკნელი არ წარმოადგენს განსაკუთრებულ აუცილებლობას საგრანტო მიზნების მისაღწევად;
- USAID-ის დებულებების შესაბამისად, აკრძალულია საქონლის შესყიდვა, რაც მოიცავს შემდეგს (მაგრამ არ შემოიფარგლება შემდეგით): პოლიციისა და სამართალდამცავი ორგანოების აღჭურვილობა, აბორტებისთვის განკუთვნილი ხელსაწყოები და მომსახურება, ამინდზე ხელოვნური ზემოქმედების მოწყობილობები, ფუფუნების საგნები და აზარტული თამაშების აპარატურა;
- ნებისმიერი შესყიდვა ან საქმიანობა, რომელიც USAID-ის სოფლის მეურნეობის პროგრამის დასკვნით არ შეესაბამება საგრანტო მიზნებს, რაც გულისხმობს გრანტის მიმღები ორგანიზაციის ხარჯებს, რომლებიც არ არის პირდაპირ დაკავშირებული შემოთავაზებული პროექტის განხორციელებასთან;
- წინა ვალდებულებები და/ან დაუფარავი ვალეები;



- ჯარიმები და/ან საურავები;
- ფულადი შემოწირულობები;
- არაპირდაპირი ხარჯები, რომლებიც მოიცავენ (მაგრამ არ შემოიფარგლებიან) ზედნადებ ხარჯებსა და დამატებით ანაზღაურებას; გარდა იმ შემთხვევებისა, რომცა განმცხადებელი ორგანიზაციის ზედნადები ხარჯები ოფიციალურად განსაზღვრულია აუდიტის ან USAID-ის მიერ (NICRA);
- ზემოქმედება გადაშენების საფრთხის წინაშე მყოფ სახეობებზე, აგრეთვე, ჭაობიანი ტერიტორიების ან ბიომრავალფეროვნების განადგურება და
- სხვა არანებადართული ხარჯები, რომლებიც განსაზღვრულია ხარჯების პრინციპებში, 2 CFR 200-ის E ქვეპუნქტი (იხ. მითითება ზემოთ).

III ნაწილი. ინფორმაცია განაცხადის წარდგენის შესახებ

საგრანტო განაცხადები მიიღება *მხოლოდ* განაცხადის ფორმატში, რომელიც მოცემულია გრანტის კონცეფციის ფორმის შესახებ დანართ „A-ში“.

ელექტრონული განაცხადი უნდა გაეგზავნოს USAID-ის სოფლის მეურნეობის პროგრამის გრანტების მენეჯერს ელ. ფოსტით: grants@apgeorgia.org. ელექტრონული ფოსტის სათაურის ველში მითითებული უნდა იყოს APS.001 და **განმცხადებელი ორგანიზაციის დასახელება**. განაცხადი მიიღება მხოლოდ იმ შემთხვევაში, თუ ინფორმაცია წარმოდგენილია წლიური საგრანტო პროგრამის განაცხადით განსაზღვრული ფორმისა და მოთხოვნების შესაბამისად. განაცხადის პაკეტი მოიცავს შემდეგ დოკუმენტებს:

- კონცეფციის დოკუმენტი (დანართი „A“), დანართები N1, N2 და N3-ის ჩათვლით;
- სარეგისტრაციო მოწმობის ასლი (საჯარო რეესტრის ეროვნული სააგენტოდან, რომელიც ხელმისაწვდომია საიტზე: www.napr.gov.ge);
- წინა/მიმდინარე პერიოდის ფინანსური უწყისები. პროექტის დაწყებიდან 24 თვეზე გაანგარიშებული ფინანსური პროგნოზები, მათ შორის საპროგნოზო მოგება-ზარალის უწყისი, საბალანსო ანგარიშგება და ფულის ბრუნვის უწყისი (დანართები N4 და N5).

განაცხადების წარდგენა შესაძლებელია ნებისმიერ დროს, კონკურსის ვადის ამოწურვამდე (2020 წლის 31 დეკემბერი). საგრანტო დაფინანსების მოპოვება დამოკიდებულია ხელმისაწვდომი თანხების არსებობაზე, რომელიც შესაძლოა შეიზღუდოს კონკურსის ბოლო ეტაპზე. ამიტომ USAID-ის სოფლის მეურნეობის პროგრამა მოუწოდებს განმცხადებლებს, დროულად წარმოადგინონ განაცხადები. განმცხადებლები, რომლებმაც ვერ წარადგინეს განაცხადები წლიური საგრანტო პროგრამის მოთხოვნათა შესაბამისად, შემდგომი შეფასებისთვის არ განიხილება.

IV ნაწილი. შეფასების კრიტერიუმები

წინამდებარე მოთხოვნის თანახმად, წარმოდგენილი განაცხადები შეფასდება ქვემოთ მოცემული კრიტერიუმების მიხედვით:

განაცხადება წლიურ საგრანტო პროგრამაზე No. 001

USAID-ის სოფლის მეურნეობის პროგრამა

კრიტერიუმები	შეფასება (სულ 100 ქულა)
1. საგრანტო პროექტის აღწერილობა	50
კომპანიის შესახებ ინფორმაცია, რომელიც ასახავს წარსულში მსგავსი საქმიანობის შედეგებს	15
გრანტის ინოვაციური ხასიათი და მისი უნარი, რამდენად მოახდენს შემოთავაზებული პროექტი ტრანსფორმაციულ ცვლილებებს. შემოთავაზებულ საგრანტო პროექტში რამდენად ნათლადაა წარმოდგენილი სამიზნე ბაზარი და კონკურენტული ანალიზი	20
რამდენად განხორციელებადია დაგეგმილი ინიციატივა	10
მართვის გეგმა, განმცხადებელი ორგანიზაციის ცოდნა-გამოცდილება და შესაძლებლობები	5
2. საგრანტო ფონდების გამოყენება	20
პროექტის სრული ღირებულება: ორგანიზაციის თანამონაწილეობა, მესამე მხარის დაფინანსება, მოთხოვნილი საგრანტო დაფინანსების ოდენობა და მისი შესაბამისობა პროექტის საქმიანობასთან მიმართებაში.	10
პროექტის ჯამური ბიუჯეტი გონივრულია და ასახავს შემოთავაზებულ საქმიანობას	10
3. ფინანსური ანალიზი და პროგნოზები	30
შემოსავლის უწყისი, საბალანსო ანგარიშგება და ფულის ბრუნვის უწყისი	15
საპროგნოზო ფინანსური დოკუმენტები: შემოსავლის ანგარიში, საბალანსო ანგარიშგება და ფულის ბრუნვის უწყისი მომავალი ორი წლის პერიოდზე გაანგარიშებით (ბიზნესის სიცოცხლისუნარიანობა)	15
სულ	100

განაცხადების წარდგენის შემდეგ, USAID-ის სოფლის მეურნეობის პროგრამის გრანტების კომიტეტის წევრები შეაფასებენ განაცხადებს ზემოხსენებული კრიტერიუმების მიხედვით. განმცხადებლები, რომლებიც 70 ქულაზე ნაკლებს მიიღებენ, საგრანტო დაფინანსებას ვერ მოიპოვებენ. განმცხადებლებს, საგრანტო შერჩევის კომიტეტის სხდომის დასრულებიდან 15 კალენდარულ დღეში ეცნობებათ, შერჩეულია თუ არა მათი განაცხადი.

თუ კონცეფციის დოკუმენტი წარმატებით გადალახავს საგრანტო კონკურსის პირველ ეტაპს, USAID-ის სოფლის მეურნეობის პროგრამა დაუკავშირდება განმცხადებელს შემოთავაზებული კონცეფციის სიღრმისეული განხილვისთვის. თუმცა, პირველადი შერჩევის შემდგომ სიღრმისეული და სპეციფიკური განხილვის ჩატარების შესახებ გადაწყვეტილება არ წარმოადგენს დაფინანსების ვალდებულებას; ეს მხოლოდ ერთობლივი ძალისხმევით ეფექტური საგრანტო პროექტის შემუშავების შესახებ განზრახვაა. თუ ამ განხილვების შედეგად ვერ მოხერხდება ღირებული ბიზნესკონცეფციის ჩამოყალიბება, USAID-ის სოფლის მეურნეობის პროგრამა შეწყვეტს ამ იდეის შემდგომ განვითარებასა და ამის შესახებ აცნობებს



განმცხადებელს. მხოლოდ იმ შემთხვევაში, თუ სიღრმისეული განხილვების შედეგად ჩამოყალიბდება პერსპექტიული პროექტი და კონცეფცია, USAID-ის სოფლის მეურნეობის პროგრამა გააგრძელებს ბიზნესგეგმაზე მუშაობას USAID-ში წარსადგენად.

USAID-ის სოფლის მეურნეობის პროგრამის თანამშრომლები ადგილზე მოინახულებენ იმ წარმატებულ განმცხადებლებს, რომელთაც გადალახეს პირველი ეტაპი და ჩაატარებენ წინასაგრანტო და გარემოსდაცვით მოთხოვნებთან შესაბამისობის შეფასებას. თუ ობიექტის შეფასებისას მნიშვნელოვანი პრობლემები არ გამოვლინდება, USAID-ის სოფლის მეურნეობის პროგრამა გააგრძელებს განმცხადებელთან თანამშრომლობას, რათა დაკმაყოფილდეს ყველა ტექნიკური მოთხოვნა საგრანტო დაფინანსების მისაღებად.

V. ვადები და პირობები

აღნიშნული მოთხოვნის საფუძველზე განაცხადის წარდგენა არ წარმოადგენს USAID-ის სოფლის მეურნეობის პროგრამის მიერ გრანტის მინიჭების საფუძველს და არ ავალდებულებს პროგრამას, რომ აანაზღაუროს განაცხადის მომზადება-წარდგენასთან დაკავშირებული რაიმე ხარჯი. USAID-ის სოფლის მეურნეობის პროგრამა იტოვებს უფლებას მიიღოს ან უარყოს ნებისმიერი განაცხადი. ამასთანავე, პროგრამას უფლება აქვს, ნებისმიერ დროს შესწორება შეიტანოს აღნიშნულ განაცხადში. განაცხადის წარდგენისას, განმცხადებელი აცნობიერებს, რომ USAID არ წარმოადგენს მხარეს და ამ საგრანტო კონკურსთან დაკავშირებული ნებისმიერი კომუნიკაცია განმცხადებელს ექნება USAID-ის სოფლის მეურნეობის პროგრამასთან და არა USAID-თან. განმცხადებლებს წერილობით ეცნობებათ მათ განაცხადებზე მიღებული გადაწყვეტილების თაობაზე.



დანართი „A“ – გრანტის კონცეფციის ფორმა

1. ორგანიზაციის დასახელება:
2. მისამართი:
3. ტელეფონი: ელ.ფოსტა:
4. წარმომადგენელი პირის სახელი, გვარი და თანამდებობა:
5. ინფორმაცია კომპანიის საქმიანობის, ისტორიისა და წარსული გამოცდილების შესახებ, რომელიც დაკავშირებულია უშუალოდ შემოთავაზებულ პროექტთან:
6. საგრანტო პროექტის დასახელება:
7. პრობლემების ანალიზი და ინოვაციური ასპექტი:
8. გრანტის მიზანი:
9. მისაღწევი შედეგები, კავშირი გრანტის მიზანთან და შესაბამისი ინდიკატორები:
10. მიუთითეთ ინფორმაცია პროექტის სავარაუდო ბენეფიციარებისა და მათი რაოდენობის შესახებ, და თუ შესაძლებელია მოახდინეთ ჩაშლა გენდერის მიხედვით. აღწერეთ, რა სარგებელს მიიღებენ საგრანტო პროექტის განხორციელების შედეგად და როგორი იქნება მათი ჩართულობა საგრანტო საქმიანობაში:
11. საგრანტო პროექტის მოსალოდნელი ხანგრძლივობა და მისი განხორციელების ადგილი:
12. მდგრადი განვითარების გეგმა:
13. საქმიანობის ძირითადი ეტაპები: [სამოქმედო გეგმის შესრულების ვადები.]
14. საქმიანობის სავარაუდო ღირებულება:

განმცხადებლის თანამონაწილეობა = აშშ დოლარი _____

მესამე მხარის რესურსები (მაგ. სესხი,
საინვესტიციო პარტნიორები) = აშშ დოლარი _____
(დაასახელეთ წყარო)

საგრანტო დაფინანსების თანხა = აშშ დოლარი _____



პროექტის საერთო ღირებულება = აშშ დოლარი _____

განმცხადებელი: _____ თარიღი: _____

- დანართი 1 – გრანტის კონცეფციის ინსტრუქციები
- დანართი 2 – გრანტის კონცეფციის საკონტროლო სია
- დანართი 3 – განმცხადებლის დასტურის წერილი
- დანართი 4 – წინა/მიმდინარე პერიოდის ფინანსური უწყისები (ლარში)
- დანართი 5 – ფინანსური პროგნოზების ფორმა (ლარში)



დანართი 1. გრანტის კონცეფციის დოკუმენტის შევსების ინსტრუქციები

გრანტის კონცეფციის დოკუმენტის განხილვა წარმოადგენს საგრანტო კონკურსის პირველ შესარჩევ ეტაპს. ამ ფორმის მიზანია ძირითადი, საბაზისო ინფორმაციის შეგროვება განმცხადებლისა და მის მიერ დაგეგმილი საქმიანობის შესახებ. განაცხადი წარმოდგენილი უნდა იყოს ინგლისურად, არაუმეტეს ხუთი გვერდისა (მოცემულ შეზღუდვაში დანართები არ არის გათვალისწინებული).

ინსტრუქციები თითოეული პუნქტის მიხედვით:

პუნქტები 1-3: განმცხადებლის სახელი, მისამართი, ტელეფონი და ელექტრონული ფოსტა. (არ საჭიროებს განმარტებას).

პუნქტი 4: ძირითადი საკონტაქტო პირი და თანამდებობა. *საკონტაქტო პირი (წარმომადგენელი) პასუხისმგებელია USAID-ის სოფლის მეურნეობის პროგრამასა და განმცხადებელს შორის კომუნიკაციაზე. აღნიშნული ეხება გრანტთან დაკავშირებულ ყველა საკითხს. წარმომადგენელს უნდა გააჩნდეს სრული უფლებამოსილება და პასუხისმგებლობა, რომ იმოქმედოს განმცხადებელი კომპანიის სახელით. წარმომადგენელი უნდა იყოს პირი, რომელიც უშუალოდ იქნება ჩართული საგრანტო საქმიანობაში და ოფიციალურად დასტურდება მისი კავშირი განმცხადებელ ორგანიზაციასთან.*

პუნქტი 5: მოკლედ აღწერეთ ორგანიზაცია და მისი საქმიანობა. *წარმოდგენილი უნდა იყოს ინფორმაცია განმცხადებელი ორგანიზაციისა და მისი საქმიანობის შესახებ: როდის დაარსდა, მისი საქმიანობის სფერო და მიზანი, ძირითადი მიღწევები, მიმდინარე საქმიანობა და ბენეფიციარები.*

პუნქტი 6: საგრანტო პროექტის დასახელება

პუნქტი 7: პრობლემის ანალიზი და ინოვაციური ასპექტი. *აღწერეთ პრობლემა, რომლის გადაწყვეტა მოცემულია შემოთავაზებული საგრანტო პროექტით. საჭიროა, ნათლად ახსნათ, თუ რატომაა შემოთავაზებული საგრანტო პროექტი ინოვაციური.*

პუნქტები 8-9: მისაღწევი შედეგები, კავშირი გრანტის მიზანთან და შესაბამისი ინდიკატორები. *ნათლად უნდა ჩამოაყალიბოთ, თუ რა შედეგის მიღწევას ისახავს მიზნად შემოთავაზებული საგრანტო პროექტი. შედეგების ამსახველი ინდიკატორები უნდა იყოს თვლადი.*

პუნქტი 10: მიუთითეთ ინფორმაცია პროექტის სავარაუდო ბენეფიციარებისა და მათი რაოდენობის შესახებ, და თუ შესაძლებელია მოახდინეთ ჩაშლა გენდერის



მიხედვით. აღწერეთ, რა სარგებელს მიიღებენ საგრანტო პროექტის განხორციელების შედეგად და როგორი იქნება მათი ჩართულობა საგრანტო საქმიანობაში.

- პუნქტი 11: საგრანტო პროექტის მოსალოდნელი ხანგრძლივობა და მისი განხორციელების ადგილი
მოსალოდნელი ხანგრძლივობა მითითებული უნდა იყოს არაუმეტეს ორთვიანი ცდომილებით. ამასთანავე, ზუსტად უნდა იყოს მითითებული მიზნობრივი საქმიანობის განხორციელების ადგილი.
- პუნქტი 12: მდგრადი განვითარების გეგმა
როგორ გეგმავს ორგანიზაცია საქმიანობის სიცოცხლისუნარიანობის უზრუნველყოფას გრძელვადიან პერსპექტივაში
- პუნქტი 13: საქმიანობის ძირითადი ეტაპები
სამოქმედო გეგმის შესრულების ვადები.
- პუნქტი 14: საქმიანობის ბიუჯეტი.
განმცხადებელმა უნდა წარადგინოს შემოთავაზებული საქმიანობის ღირებულების მიახლოებითი გაანგარიშება და მიუთითოს დაფინანსების წყაროები. დააკონკრეტეთ, რა მოცულობის იქნება USAID-ის სოფლის მეურნეობის პროგრამით მოთხოვნილი საგრანტო დაფინანსება, აგრეთვე განმცხადებლისა და ნებისმიერი მესამე მხარის თანადაფინანსების თანხები. მიმდინარე ეტაპზე დეტალური ბიუჯეტის წარდგენა არ წარმოადგენს აუცილებლობას. საჭიროა განაცხადში მოცემული იყოს მხოლოდ დასაბუთებული ხარჯთაღრიცხვა, რომელშიც დასაშვები ცდომილება საბოლოო დამტკიცებულ ბიუჯეტთან მიმართებაში არ აღემატება 15% (+/-).

დანართი 2. გრანტის კონცეფციის დოკუმენტის საკონტროლო სია

განმცხადებელმა უნდა უზრუნველყოს სრულად შევსებული განაცხადის წარდგენა შემდეგ დოკუმენტაციასთან ერთად:

1. გრანტის კონცეფციის ფორმა (დანართი „A“) შემდეგ დანართებთან ერთად:
 - დანართი 1 – გრანტის კონცეფციის ინსტრუქციები
 - დანართი 2 – გრანტის კონცეფციის საკონტროლო სია დანართი 3 – კომპანიის ტიტულიან ფურცელზე მოცემული დასტურის წერილი ხელმოწერილი განმცხადებლის უფლებამოსილი წარმომადგენლის მიერ
 - დანართი 4 – წინა/მიმდინარე პერიოდის ფინანსური უწყისები (ლარში)
 - დანართი 5 – ფინანსური პროგნოზების ფორმა (ლარში)
2. განმცხადებლის სარეგისტრაციო მოწმობის ან ბიზნესის ლიცენზიის ასლი.

დანართი 3. განმცხადებლის დასტურის წერილი

შემდეგი განცხადება იწერება ორგანიზაციის ბლანკზე და შევსებული/ხელმოწერილი/ზეჭდით დამოწმებული უნდა იყოს წარმომადგენლის მიერ, რომელიც უფლებამოსილია განმცხადებელი კომპანიის სახელით მას მოაწეროს ხელი:

მიმართვა: USAID-ის სოფლის მეურნეობის პროგრამა
კოსტავას ქ. 47
თბილისი, 0179, საქართველო
grants@apgeorgia.org

მითითება: APS #001

ვისაც ეს ეხება:

ჩვენ, ქვემოთ ხელისმომწერნი, თანდართული განაცხადის წარდგენით, ვადასტურებთ მზადყოფნას, რომ შევასრულებთ, საგრანტო განაცხადით განსაზღვრულ ყველა საქმიანობას, რომელიც შესაბამისობაში იქნება ზემოთ მოცემული წლიური საგრანტო პროგრამის მოთხოვნებთან. გთხოვთ, იხილოთ თანდართული განაცხადი.

ამით ვაღიარებთ და ვეთანხმებით ყველა ვადებსა და პირობებს, სპეციალურ დებულებებსა და მითითებებს, რომლებიც მოცემულია წლიური საგრანტო პროგრამის ზემოთ მითითებულ განაცხადში. ამასთანავე, ვადასტურებთ, რომ მოცემული მოთხოვნის პირობებით და USAID-ის რეგულაციების შესაბამისად, ქვემოთ დასახელებული ორგანიზაცია, ისევე როგორც ორგანიზაციის წარმომადგენელი, უფლებამოსილია მონაწილეობა მიიღოს განაცხადში მოცემული ყველა საქონლისა და შეთავაზებული მომსახურების შესყიდვაში.

ამასთანავე, ვადასტურებთ, რომ

- არ გვაქვს ნათესავური ან/და ფინანსური კავშირი CNFA-ისა ან USAID-ის სოფლის მეურნეობის პროგრამის თანამშრომლებთან;
- არ გვაქვს ნათესავური ან/და ფინანსური კავშირი სხვა განმცხადებლებთან, რომლებიც წარადგენენ განაცხადებს წლიური საგრანტო პროგრამის ფარგლებში
- ჩვენს შემოთავაზებაში ფასები დადგენილია დამოუკიდებლად, ყოველგვარი კონსულტაციის, კომუნიკაციის, ან კონკურენციის შეზღუდვის მიზნით სხვა განმცხადებელთან თუ კონკურენტთან შეთანხმების გარეშე.
- ჩვენს განაცხადში წარმოდგენილი ინფორმაცია რეალური და ზუსტია.
- ჩვენთვის ნათელია და ვეთანხმებით CNFA-ის აკრძალვებს თაღლითობასა და ქრთამთან დაკავშირებით.
- ჩვენთვის ნათელია და ვეთანხმებით CNFA-ის აკრძალვებს იმ პირების ან ორგანიზაციების დაფინანსებისთან დაკავშირებით, რომლებიც ასოცირდებიან ტერორიზმთან ან ტრეფიკინგთან.

ვადასტურებთ, რომ თანდართული სერტიფიკატები და სხვა განცხადებები ზუსტი და სრულყოფილია.

უფლებამოსილი წარმომადგენლის ხელმოწერა:

ხელმოწერის სახელი და თანამდებობა:

თარიღი:

კომპანიის რეგისტრაციის ან გადამხდელის საიდენტიფიკაციო ნომერი:



დანართი 4. წინა/მიმდინარე პერიოდის ფინანსური ანგარიშგება (ღირებულება ლარში)

	წინა პერიოდის	მიმდინარე პერიოდის
შემოსავალი რეალიზაციიდან (+)		
რეალიზებული პროდუქციის თვითღირებულება - COGS (-)		
მთლიანი მოგება		
ადმინისტრაციული ხარჯები (-)		
გაყიდვების და მარკეტინგის ხარჯები (-)		
სხვა ზედნადები ხარჯები (-)		
საოპერაციო მოგება		
მიღებული გრანტები (+)		
სხვა არასაოპერაციო შემოსავალი/ხარჯი (+/-)		
მოგება დაბეგვრამდე, საპროცენტო, ცვეთის და ამორტიზაციის ხარჯებამდე EBITDA		
ცვეთა და ამორტიზაცია (-)		
საპროცენტო ხარჯი (-)		
მოგება		

საბალანსო ანგარიშგება

	წინა პერიოდისთვის	მიმდინარე პერიოდისთვის
ფული		
სავაჭრო მოთხოვნები		
მარაგები		
სხვა მოკლევადიანი აქტივები		
სულ მოკლევადიანი აქტივები		
ფიქსირებული აქტივები (მიწა, შენობა, დანადგარები)		
სხვა გრძელვადიანი აქტივები		
სულ გრძელვადიანი აქტივები		
სულ აქტივები		
სავაჭრო ვალდებულებები		
სხვა მოკლევადიანი ვალდებულებები		
სულ მოკლევადიანი ვალდებულებები		
საბანკო სესხი		
სხვა გრძელვადიანი ვალდებულებები		
სულ გრძელვადიანი ვალდებულებები		
შემოტანილი კაპიტალი		
გაუნაწილებელი მოგება		
სხვა კაპიტალი		
სულ კაპიტალი		
სულ ვალდებულებები და კაპიტალი		

დანართი 5. ფინანსური პროგნოზების ფორმა (ღირებულება ლარში)

	საპროგნოზო წელი 1	საპროგნოზო წელი 2
შემოსავალი რეალიზაციიდან (+)		
რეალიზებული პროდუქციის თვითღირებულება - COGS (-)		
მთლიანი მოგება		
ადმინისტრაციული ხარჯები (-)		
გაყიდვების და მარკეტინგის ხარჯები (-)		
სხვა ზედნადები ხარჯები (-)		
საოპერაციო მოგება		
მიღებული გრანტები (+)		
სხვა არასაოპერაციო შემოსავალი/ხარჯი (+/-)		
მოგება დაბეგვრამდე, საპროცენტო, ცვეთის და ამორტიზაციის ხარჯებამდე EBITDA		
ცვეთა და ამორტიზაცია (-)		
საპროცენტო ხარჯი (-)		
მოგება		

საბალანსო ანგარიშგება

	საპროგნოზო წელი 1	საპროგნოზო წელი 2
ფული		
სავაჭრო მოთხოვნები		
მარაგები		
სხვა მოკლევადიანი აქტივები		
სულ მოკლევადიანი აქტივები		
წმინდა ფიქსირებული აქტივები (მიწა, შენობა, დანადგარები)		
სხვა გრძელვადიანი აქტივები		
სულ გრძელვადიანი აქტივები		
სულ აქტივები		
სავაჭრო ვალდებულებები		
სხვა მოკლევადიანი ვალდებულებები		
სულ მოკლევადიანი ვალდებულებები		
საბანკო სესხი		
სხვა გრძელვადიანი ვალდებულებები		
სულ გრძელვადიანი ვალდებულებები		
შემოტანილი კაპიტალი		
გაუნაწილებელი მოგება		
სხვა კაპიტალი		
სულ კაპიტალი		
სულ ვალდებულებები და კაპიტალი		